

## Pag-aaksaya ng Tubig

Ang Distrito ay nakatalaga upang maiwasan ang pag-aaksaya ng tubig. Itinatag ang isang Pangkat sa Pagtitipid ng Tubig (Water Saving Team) upang agarang magsiyasat at mahinto ang pag-aaksaya ng tubig. Kabilang sa karaniwang mga halimbawa ng pag-aaksaya ng tubig ay mga sirang ulo ng regadera o pandilig, tagas sa sistema ng irigasyon at pag-apaw ng tubig sanhi ng sobrang pagdidilig.

Upang mag-ulat ng pag-aaksaya ng tubig, tumawag sa (925) 688-8044 sa araw o gabi. Isang miyembro ng pangkat ang sasagot sa inyong tawag, kukunin ang ulat at magsasagawa ng koordinasyon para sa agarang pagtugon. Ang mga kustomer na iniulat para sa pag-aaksaya ng tubig ay kokontakin upang ipatid sa kanila ang pag-aaksaya, mabigyan ng listahan ng kuwalipikadong kontratistang nagkukumpuni at mapayuhan tungkol sa mga paraan kung paano sila maaaring makapagtupid ng tubig.

Ang mga kustomer na patuloy sa pag-aaksaya ng tubig at mabigong magsagawa ng pangwastong aksiyon ay tatanggap ng nakasulat na babala. Kung hindi pa rin sila hihinto maaaring suspindihin ang kanilang serbisyo o pagbawalan ang pagdaloy sa kanilang tubig.

این اطلاعات به زبان فارسی در این وبسایت داده شده است [www.ccwater.com](http://www.ccwater.com)

請瀏覽 [www.ccwater.com](http://www.ccwater.com), 查閱中文版本內容。

Esta información se encuentra disponible en [www.ccwater.com](http://www.ccwater.com) o llamando a Frank al (925) 688-8044.

Ang impormasyon na ito sa Tagalog ay makukuha sa [www.ccwater.com](http://www.ccwater.com)



**Contra Costa Water District**  
1331 Concord Avenue  
Concord, CA 94520

PIO 4.09.3.5M\_T

## Bayad sa Labis na Gamit

Kung kayo ay gumamit ng mas maraming tubig sa isang partikular na panahon ng pagsingil (billing period) kaysa sa inyong karaniwang gamit ayon sa kasaysayan ng paggamit para sa nasabing panahon ng pagsingil, kayo ay sisingilin ng bayad sa labis na gamit para sa sobrang tubig na inyong ginamit. Ang bayad sa labis na gamit ay apat na beses sa singil ng kasalukuyang dami ng tubig. Ang bayad sa labis na gamit ay batay sa halaga ng pagbili ng Distrito ayon sa presyo ng merkado sa dagdag na suplay ng tubig habang nasa panahon ng tagtuyot.

### Bawal na mga Paggamit ng Patubig ng Distrito

- Pagpuno ng mga dekoratibong lawa, lawa-lawaan, o nonrecirculating na mga palamuting bukal (fountain).
- Paglilinis sa kongkreto o iba pang mga lugar na may matitigas at solidong ibabaw.
- Panlabas na pagdidilig na nagbubunga sa labis-labis na pag-apaw ng tubig.
- Pagbomba ng tubig sa mga alkantariya (sewer) o boka-insendiyo (hydrant), pagsubok ng mga sistema sa sunog o paglilinis ng mga kalsada, maliban kung matiyak ng Distrito na ito ay kinakailangan.
- Paggamit ng tubig na iniinom para sa konstruksiyon, maliban kung matiyak ng Distrito na walang ibang suplay ng tubig ang makatwirang makukuha.
- Bagong serbisyo ng mga koneksiyon sa tubig at pagkakaroon ng single-pass cooling o nonrecirculating na mga sistema.

Ang buong teksto ng ordinansa ng Distrito sa Programa sa Pamamahala sa Tagtuyot ay makukuha sa [www.ccwater.com](http://www.ccwater.com).

## Babala sa Kustomer

Programang Pamamahala sa Tagtuyot



## Pagbabawas sa Paggamit ng Tubig at Bayad sa Labis na Gamit

Ang Gabay para sa Komersiyal na mga Kustomer

Mangyaring basahin mabuti ang dokumentong ito at itago para maging sanggunian sa hinaharap.

## Kailangan ang Pagtitipid ng Tubig

Ang California ay nakararanas ng isang malubhang tagtuyot, at kailangan ang inyong tulong. Ang Patubig ng Distrito ng Contra Costa (Contra Costa Water District) ay nangangailangan na inyong bawasan ang inyong paggamit ng tubig ng kahit sa 15 porsiyento.

Ang Programa ng Distrito sa Pamamahala sa Tagtuyot ay binuo upang:

- Hindi magtaas ng bayad
- Paliitin ang epekto nito sa lokal na ekonomiya
- Himukin ang pagbabawas sa mga panlabas na paggamit ng tubig.

**Mahalaga:** Sisingilin ang mga kustomer para sa labis na gamit kung sila ay gumagamit ng mas maraming tubig kaysa sa nakaraan. Ang mga detalye ay makikita sa seksiyon na may pamagat na *Bayad sa Labis na Gamit (Excess Use Charges)*.

Para sa tulong sa pagtitipid ng tubig at mga napapanahon na kaalaman sa suplay ng tubig, mangyaring bumisita sa [www.ccwater.com](http://www.ccwater.com).



**Contra Costa Water District**

1331 Concord Avenue  
Concord, CA 94520

**Drought Help Line:**  
**(925) 688-8009**

[www.ccwater.com](http://www.ccwater.com)

## Paano Isinasagawa ang Programa

Ang tubig ay may kakulangan sa suplay ngayong taon, kaya't isang badyet sa tubig ang ipinagkaloob para sa inyong negosyo. Para manatili sa badyet, kailangan ninyong bawasan ang inyong paggamit ng tubig ng kahit sa 15 porsiyento kumpara sa inyong kasaysayan sa paggamit.

Mahalaga para sa mga kustomer na pamahalaan ang kanilang paggamit ng tubig at manatili sa loob ng kanilang badyet sa tubig. Makatutulong ito sa Distrito na pahabain ang suplay nito ng tubig hanggang matapos ang tagtuyot.

Lahat ng mga kustomer ay pinasabihan sa pamamagitan ng sulat ang ukol sa kanilang mga badyet sa tubig para sa Mayo 2009 – April 2010. Bilang karagdagan, nakalagay sa bawat singil ng bayarin ng mga kustomer ang kanilang mga badyet sa tubig para sa kasalukuyang panahon ng pagsingil, gayon din sa kasunod na dalawang panahon ng pagsingil.

Upang kalkulahin ang badyet sa tubig para sa partikular na panahon ng pagsingil, kinalkula ng Distrito ang katamtamang dami ng tubig na aktuwal na ginamit bawat araw sa serbisyong address sa panahon ng pagsingil sa taong 2005, 2006 at 2007. Ang nakuhang katamtamang gamit ay binawasan ng 15 porsiyento. (Hindi kabilang ang taong 2008 sapagkat ito ay isang taon ng tagtuyot at hiningi ng Distrito sa mga kustomer na magtipid.)

Ang programa ng Distrito ay hindi nagtataas ng bayad sa tubig. Sa katunayan, ang mga kustomer ay maaaring pababain ang kanilang bayarin sa pamamagitan ng pagbabawas ng kanilang pagkonsumo.

## Mga Kahilingan sa Eksepsiyon

Ang mga kustomer na nagbago ang mga situwasyon kamakailan, na nagresulta sa pagbabago ng mga paraan sa paggamit sa tubig, ay maaaring maging kuwalipikado para sa isang eksepsiyon. Para humiling ng eksepsiyon, maaari kayong mag-download ng pormularyo ng kahilingan (request form) sa [www.ccwater.com](http://www.ccwater.com), kumuha nito sa pamamagitan ng pagtawag sa (925) 688-8009, o pumunta sa District Center sa 1331 Concord Avenue, Concord. Kompletuhin ang pormularyo na ipinapaliwanag ang inyong situwasyon at isumeti ito na sinusunod ang mga tuntunin sa likod ng pormularyo. Tatanggap kayo ng isang nakasulat na tugon, karaniwan sa loob ng limang araw na may pasok pagkaraang matanggap ng Distrito ang kahilingan.

## Mga Paraan sa Pagtitipid ng Tubig

Upang matulungan kayo sa pagtitipid ng tubig, naghahandog ang Distrito ng maraming serbisyo para sa Pagtitipid ng Tubig at mga insentibo. Kabilang sa mga ito ang mga deskuwento sa matipid sa tubig na mga kagamitan sa kubeta at paglalaba ng damit, libreng mga kasangkapan sa pagtitipid, mga impormasyong pantulong sa pagtitipid ng tubig, at mga pagdalaw ng mga eksperto sa konserbasyon na magpapamalas ng pinakamabuting mga paraan ng pagtitipid ng tubig. Mangyaring bumisita sa [www.ccwater.com](http://www.ccwater.com) o tumawag sa Conservation Department sa (925) 688-8320.